

臨武縣志卷二十三

苗獠志

三苗爲四凶之一然兩階有舞七旬來格則凶頑者何嘗不可化爲良善也楚南邊郡多溪峒蠻獠錯處辰沅以西稱苗衡永而東則爲獠焉臨之西山一帶林深箐密山谷谿谷狃獠獠徠徠往往雜處其中其性習亢悍褊急勝國以前不無梗格自我

朝定鼎深仁厚澤遍及荒陬百餘年來涵濡漸被蒸蒸日上進於善舞早徧於兩階階無待乎七旬詎不休歟志苗

臨武縣志

卷之二十三

苗 一

獠曹家玉識

宋史慶歷三年桂陽監蠻獠內寇蠻獠者居山谷間其山自衡州常寧縣屬於桂陽郴連賀韶四州環紆千餘里蠻居其中不事賦役謂之獠人初有吉州巫黃捉免兄弟習蠻法往來溪峒誘蠻衆數百盜販鹽殺官軍逃匿峒中既招出而殺之至是其黨合五千入出桂陽藍臨間華陰峒提點刑獄楊旼攻討久不克遂詔湖南轉運使郭輔之等招撫之四年降勅委知潭州劉沆招諭降二千餘人錄其首領鄧文志黃

文成黃士元及內殿承制開贊崇班胡元等官有差五年二月餘黨唐和復內寇乃詔湖南安撫轉運提點刑獄便宜從事於是沆檄楊畋等八路入討覆蕩桃油坪能家源等巢穴捕斬首級甚衆是冬蠻復入寇與胡元右侍禁郭正趙鼎殿侍王孝先戰於華陰峒隘口元等死之湖湘騷動六年知桂陽監宋守信奏唐和嘯聚爲盜屢年未能克者朝廷不許窮討故也今衡州監酒黃士元頗習溪峒事願得敢戰士使之逐捕於是大發兵討之蠻衆懼遁入郴州黃莽山之

臨武縣志

卷之二十三

獠苗二

今按桃油坪等處卽臨之西山地方華陰峒卽臨之華陰山俱在邑西偏左面臨武右跨藍山其毗臨者與邑之平田鄉接壤風氣俗尙効法華人漸臻淳樸盖自宋仁宗朝以唐和黨盤知諒輩爲峒主授銀青光祿大夫檢校國子祭酒兼監察御史武騎尉於是桂陽監所屬華陰諸峒獠衆悉降帖然震服明代永樂間設立獠總頗聽羈縻至

國初爲設頭日給下帖總領之固已漸磨有素乾隆年間改稱獠人爲新民於是獠益駸駸日上有幡然自新

之機統計宋元以來或賔或否夷情不一要未有趨
風向化革面革心如我

朝之深且久者矣

獠有山獠民獠

平即俗所稱

過山獠之分

居一名頂板來

則襁負子女器械入山口嘗土味擇人以木之肥者斬

木而種男子亦薙髮着青布衫裙婦人以木板鑿孔
耕或於五六年土氣瘠薄則又焚其巢而他徙焉臨居

楚粵嶺脊間曠野平原歷係民居固無民獠之雜又
自諸獠山外別無絕大林麓其各村庄山嶺悉爲居
民所耕所稱過山獠亦無從寄住而托業谿谷孳養

臨武縣志

卷之二十三

獠苗三

樹植永不遷徙獨有山獠一種即所稱西山華陰山
等處是也

西山距邑治二十餘里西界藍山直接九疑之麓四
面險絕周繚百餘里巉峒深窅獠獠雜處而桃油坪
鴨公田等地獠居差稠風土習俗與內地不相殊其
穀食則旱禾梁粟其肉食則山禽野獸其衣服則夏
布冬皮刀耕斧播生理頗饒種植之外無他好尙亦
不曉貿遷事間有窮無業者采取山中藥物及龍鬚
草之可爲席者背鬻於市以爲生計性亦平而不競

其類本槃弧遺種而自諱曰盤古之後多以盤爲姓
宋時峒主盤知諒或云卽其先世也

華陰峒距邑治三十餘里卽所稱華陰山形勢雄特
盤紆遮絕綿亘數十百里聯接西山直通粵之連州
高數百餘丈其間竹木饒沃土色薄肥美獠人世耕
其中耕久土漸礲确則或蒔以茶桐另墾旁地而種大
約耕鑿自安夙習性尙與西山獠同

獠俗喜安靖不輕入城市中每正節至然後諸獠四
集男抹紅帕女披繡襠吹竽鼓瑟擊缶踏歌赴本邑

臨武縣志

卷之二十三

獠苗四

各衙門賀歲官或予以果餌或畧給銀錢率有賞賚
獠亦抃舞頂謝旣則逐隊以歸卒無喧嘩滋擾之事
又俗儉約頗惜物力故其土產豐盈雉兔之所孳叢
篁果木之所植一切山澤餘利貧民或與共之渠亦
不厭近且景慕華風間有令子弟讀書者然以臨邑
新童無額故尙未就試云

論曰獠獠處文弱之方有時衽金革而不厭匪其風
氣所使其習俗然也被以聲教浹以恩威則洗心革
面之意油然而生偶有桀鷩一廝養卒掉三寸舌可

俾懾服此則其知能之良有不可漸滅者由此觀之
蠻獠之情可利道而不可逆施也考之前代元至正
初尙寇擾臨有明天順四年尙獠兩攻臨武八年又
自連來寇其後正德崇正間韶連等尙苗入寇出沒
不常舊志載西山獠嘗爲粵苗嚮道殆非虛語洎我
國家聲靈赫濯控馭有方百數十年來民夷相安於無事
非獠之性昔暴戾而今馴良也所以震蕩之者異耳
前志未曾另立欸目第於山川項下畧志梗概今奉
上憲列有專條蓋以民視獠則胞與一體無俟乎分

臨武縣志

卷之二十三

獠苗五

以獠爲民則華夷異習無須乎合一則引而近之一
則推而遠之其所以制御防閑之道微矣

曹家玉識

明時大水源一帶獠獠不靖民間苦之正德二年邑人
周正榜艾朝鳳周德宏艾光知李明士等招徠廣西
賀縣鷄籠山頭目盤潘喜盤潘海盤潘祥盤潘遠等
耕守西山桃油坪一帶地方自長尾岐起至簡頭山
兩水口分水凹耳壠冲坪溪洞塔山界等處聽其播
種爲請于上憲給下獠總帖據以資彈壓約束頗嚴
獠獠相安終明之世皆其子孫承充 國朝以來如

明舊制世給獠人總帖嘉慶十年獠總盤金鸞病
故其族子盤玉鳳性行淳樸知縣柯光蔚以玉鳳充
當獠總詳請各 上憲嘉慶十六年十月奉 制府
馬給帖一紙數年以來獠人頗悅服焉